

# SKÓLI Á GRÆNNI GREIN GRÆNFÁNINN



## Fundargerðir skólaársins 2008-2009

### 2. október 2008

Fyrsti fundur nýrrar umhverfisnefndar á skólaárinu 2008-2009. Fundarstaður nefndarinnar er fundarherbergi skólans og fundartími er á fimmtudögum kl. 8:10. Hver fundur auglýstur sérstaklega.

Umhverfisnefnd skólaárið 2008-2009 skipa eftirfarandi.

Fyrir hönd kennara:

Svanborg Tryggvadóttir, verkefnisstjóri.

Margrét Sif Sævarsdóttir

Fyrir hönd starfsfólks:

Katrín Sigurjónsdóttir

Á eftir að skipa í annað sæti starfsfólks.

Fulltrúi foreldra:

Ekki verið skipað í þetta sæti

Fyrir hönd nemenda sitja í nefndinni fram til áramóta:

- |         |                          |
|---------|--------------------------|
| 5. EEV  | Sanjin Horoz             |
| 6. SJ   | Snorri Árnason           |
| 6. MSS  | Marteinn Gíslason        |
| 7. GS   | Matthías Fred Eggertsson |
| 8. ST   | Felix Már Herbertsson    |
| 9. SHG  | Tinna Rut Þrastardóttir  |
| 10. GGS | Guðmundur Jensson        |
| 10. AA  | Hulda Sigurmarsdóttir    |

Ný nefnd boðin velkomin til starfa og kynnt hlutverk sitt og þá sérstaklega nemendur sem fulltrúar sinna bekkja. Farið var yfir stöðu mála frá síðasta vori og reifað í stórum dráttum það starf sem er framundan.

- Fylgjast þarf með því sem hefur áunnist nú þegar og halda því í horfinu.
- Vinna þarf að nýjum markmiðum fyrir næstu 2 ár.

Guðmundur, Hulda og Tinna munu vinna að gerð sorpdagatala, fyrir næsta fimmtudag, sem mun gilda fram til áramóta. Sorpdagar verða áfram á föstudögum og bekkjum verða úthlutaðir dagar til að aðstoða skólaliða við að fara með flokkað sorp í endurvinnslugám.

Gámastöðin afhenti okkur í dag litlar endurvinnslutunnur sem eru tilvaldar fyrir skriffæri sem falla til í kennslustofum og víðar. Þeim verður dreift á næstunni. Fleira ekki gert á fundinum, fundi slitið kl. 11:10.

## 9. október 2008

Vinnufundur þar sem litlar endurvinnslutunnur voru merktar stofum/öðrum rýmum og nemendur í umhverfisnefndinni fóru um skólann og gáfu eina tunnu í hvert rými. Gekk þetta mjög vel. Rætt um það hvort koma skuli á eftirlitskerfi af einhverju tagi í kennslustofum. Engin endanleg ákvörðun tekin.

## 16. október 2008

Rætt um sorpdagatal sem því miður hefur ekki enn verið lokið við og þurfa Gummi, Tinna og Hulda að drífa í því að ljúka því. Rætt um þrif á skólalóð og með hvaða hætti mætti standa að því. Hugmynd um að þrifa lóðina einu sinni áður en fer að snjóá, t.d. eftir vetrarfrí og láta þá draga 2 nöfn úr hverjum bekk til að senda út (alls 16 krakkar) til að þrifa.

## 4. desember 2008

Vinnufundur. Búið var að kaupa inn ný ílát fyrir flokkun á pappír og þurfti að undirbúa þau áður en hægt var að dreifa þeim um skólann. Um er að ræða plastkassa með skáhöllu loki sem hægt er að stafla upp og hafa hjól undir ef það hentar. Grænir kassar eru fyrir fullnýttan pappír, gulir fyrir endurnýtanlegan pappír, bláir fyrir karton, rauðir fyrir litaðan A4, brúnir fyrir pappambúðir. Kassarnir voru þrifnir, settir saman og merktir með spjöldum sem sýna hvað á að fara í þá. Að lokum dreifðu nemendur kössunum um skólann en því miður fengum við ekki alla kassana sem við pöntuðum og því eru enn 10 rými sem eru í biðstöðu eftir þessum kössum. Gekk mjög vel og krakkarnir unnu af kappi.

## 5. janúar 2009

Undirbúningsfundur.

- Skipt verður um nemendur í umhverfisnefnd á fyrsta almenna fundi nefndarinar. Umsjónarkennarar þurfa að tilkynna hverjir munu sitja í nendinni fram á vorið.
- Ákveðið á útbúa lítið skjal til að afhenda nemendum sem hafa tekið þátt í starfi grænfánans með setu í umhverfisnefnd.
- Ákveðið að 5. bekkur þrifi skólalóðina núna í þessari viku þar sem jörð er auð og nóg af drasli eftir áramótagleðina.
  - Hluti af markmiðum skólans og hver bekkur sem tekur að sér þrif fær viðurkenningarskjal sem hengt er upp í stofunni þeirra.
- Athugasemd hefur borist frá skólaliðum vegna losunar á pappu og pappír út í endurvinnslugáma. Það starf reynist þeim oft á tíðum erfitt vegna fjarlægðar gámana, slæms veðurs, snjóá og hálfu.
  - Tillaga okkar er sú að gámarnir verði færði að norðurhlið skólans í nálægð við gamlar sorpgeymslur sem verði þá nýttar sem flokkurstöðvar fyrir pappu og pappír. Tilfallandi flokkað sorp má svo losa beint út úr geymslunum utan frá og í gámana. Losun á þessum gámum er u.þ.b. einu sinni í mánuði og því þarf ruslabíllinn að fá að fara inn á skólalóðina.

- Teljum einnig að með því að fjarlægja gámana og finna þeim annan stað fáum við lausn til frambúðar þar sem núverandi staðsetning þeirra er þar sem framtíðarbílastæði skólans munu vera.
- Einnig losnum við þá við að hafa vagnana fulla af rusli á göngunum en þeir voru aldrei hugsaðir sem söfnunarstaðir.
- Rætt um þetta við skólastjóra og mun hann fara þess á leit að sett verði hlið á núverandi girðingu svo ruslabíll og slökkvilið hafi aðgang inn á norðanverða skólalóðina. EN – ef af þessu verður þurfi að vera mjög strangar reglur um þetta hlið.
- Athugasemdir gerðar við keðjur og fleira sem sett var upp austanvert við sundlaugina til að fyrirbyggja að starfsmenn leggi þar. Viljum að þetta sé fjarlægt og einfaldlega rætt við þá sem þar leggja bílum sínum.
- Athugasemd gerð við aðstöðuleysi í vatnsmálum á efri hæð skólans. Vatnshanninn undir miklu álagi þar sem hann er notaður til að skola einnota ílát og þrifa pensla.
- Athugasemd gerð við skort á rafmagnstenglum víða í skólahúsnæðinu og sérstaklega bent á ástandið í 10. bekk.
- Benda þarf kennurum á að ekki megi setja litaðan pappír í flokkunarílátin.
- Aðstaða nemenda í anddyri bætt – staður fyrir stígvél og snagar fyrir töskur nemenda á miðstigi.
- Huga að því að mála vinasól á skólalóðina í vor.
- 7. bekkur stendur sig ekki í að skola fernur og því þarf að huga aftur að því.
- Hvetja heimilin til að minnka notkun einnota drykkjarferna en senda nemendur með margnota ílát fyrir drykki sem vilja koma með þá að heiman.
- Settar voru niður hugmyndir að markmiðum skólans.
  - Koma upp heimasíðu fyrir umhverfisstarfið.
  - Snyrtileg umgengni á útifötum og töskum.
  - Reglubundin þrif á skólalóðinni.
  - Efla / bæta nánasta umhverfi okkar og auka samskipti nemenda út á við í grenndarsamfélaginu.
    - Kenna eldri borgurum á tölvur
    - Endurnýta fatnað og sauma
      - Pennaveski, töskur, innkaupapoka.
      - Skipuleggja t.d. þemavinnu þar sem nemendur vinna að þessu og jafnvel væri hægt að fá konur úr eldri borgarastarfinu til að koma inn í skólann og aðstoða nemendur við að hanna, sníða og sauma.
  - Leggja þessar hugmyndir fyrir almennan fund og fá fleiri hugmyndir frá nemendum.
  - Styðja þarf við það starf sem nú er í gangi, flokkun og endurnýtingu.
  - Vinna að grenndarskóginum okkar.

- Huga þarf að næstu skrefum þar, t.d. nafni og að byggja upp aðstöðu.

## 8. janúar 2009

Skipt var um nemendur í umhverfisnefnd á þessum fundi. Þeim nemendum sem nú luku setu í nefndinni voru afhent viðurkenningarskjöl fyrir störf sín í vetur.

Þeir sem nú taka sæti eru:

5. EEV	Óliver Dofri Björgvinsson
6. SJ	Hrefna Rún Guðbjörnsdóttir
6. MSS	Tómas Leó Sigurðsson
7. GS	Agnes Rut Erlingsdóttir
8. ST	Ragnheiður Jóhannesdóttir
9. SHG	Katrín Sara Reyes
10. GGS	Telma Herbertsdóttir
10. AA	Rakel Ómarsdóttir

Farið var yfir helstu atriði í störfum okkar sem grænfánaskóli, hvað væri búið að gera og hvað væri framundan.

## 15. janúar 2009

Þessi fundur var sannkallaður vinnufundur þar sem nú voru flokkunarílatin komin sem beðið var eftir frá því fyrir áramót. Nemendur settu saman ílátin, merktu þau og úthlutuðu þeim jafnt í bekkjarstofur, sérgreinastofur og kennararými. Einnig voru eldri flokkunarkassar fjarlægðir og gengið frá þeim.

## 6. febrúar 2009

Ákveðið að fara í það verkefni að sauma innkaupatöskur úr gömlum gallafatnaði. Nemandi í 10. bekk setti saman eftirfarandi dreifibréf og var það sent inn á heimilin.

Kæru foreldrar og forráðamenn.

Eitt af markmiðum skólans fyrir yfirstandandi tímabil í Grænfánanum er að flytja boðskapinn út fyrir vegg skólans. Sú leið sem varð fyrir valinu er að láta nemendur endurnýta gamlan fatnað og sauma úr honum innkaupapoka. Markmiðið með þessu er að hvetja fólk til að minnka notkun plastpoka.

Nú þurfum við að leita til ykkar heima. Okkur vantar efni í innkaupapokana. Ef þið eigið eitthvað af eftirtöldu og viljið gefa okkur værum við þakklát.

*Okkur vantar:*

Gamlan gallafatnað, sterk efni að ýmsu tagi.

Efni til skreytinga, s.s. tölur, perlur, litrík efni, dúllur og svo framvegis.

Tilvalið er að senda efnið í skólann með nemendum eða afhenda hjá skólaritara.

Með fyrirfram þökk,

Umhverfisnefnd Gsnb. Ólafsvík

Þessi söfnunarvinna fer fram vikuna 9. – 13. febrúar og vinna við sauma hefst 16. febrúar. Ákveðið að þessi vinna fari fram í handmenntatímum allra bekkja og Guðmunda verður með yfirumsjón með því.

## **26. febrúar**

Staðan á töskusaumnum skoðuð. Mjög vel gekk að safna gömlum fatnaði og skreytiefni en auk þess að leita til heimilanna fengum við gallafatnað frá Rauða Krossinum. Upphaflega var áætlað að þessi vinna tæki eina viku en var framlengd um eina viku til viðbótar. Þrátt fyrir það komst verkefnið ekki nógu langt þar sem í raun réðu nemendur ekki eins vel við það eins og við höfðum gert ráð fyrir. Það sem helst tafði voru vandamál með saumavélar auk þess sem erfitt og tímafrekt er að sauma gallaefni. Að þessum vikum loknum er ljóst að leggja þarf verkefnið til hliðar og halda áfram við það síðar.

Ákveðið að sækja um úhlutun birkiplantna frá Yrkjusjóði.

## **5. mars**

Þegar töskurnar verða tilbúnar ætlum við að selja þær mjög vægu gjaldi á völdum stöðum í bæjarfélaginu. Ef einhver afgangur verður eftir að búið er að greiða kostnað mun hann verða nýttur í umhverfisverkefni, s.s. vegna grenndarskógarins. Verkefnið verði kynnt í bæjarblaðinu áður en sölubásar verða settir upp t.d. í Esso Hraðbúðinni Hellissandi, Virkinu Rifi og Kassanum Ólafsvík. Nemendur útbúi skilti til að hafa við sölubásana. Hugmyndir að slagorðum á þau:

- Notum margnota innkaupapoka
- Verndum umhverfið
- Minnkum plastpokanotkun

Höfum hug á að leggja þetta verkefni fram til Varðliða umhverfisins á næsta ári.

Rætt um það vandamál að nemendur á unglíngastigi skoli ekki einnota fernur áður en þær fara í söfnunardallinn.

## **12. mars**

Ákveðið að setja upp skipulag með þeim hætti á unglíngastiginu að nemendum er skipt upp á frímínútur næstu vikna. Dregin voru nöfn tveggja nemenda fyrir hverjar frímínútur sem skulu sjá um að taka allar fernur að loknum frímínútum og skola þær.

## **26. mars**

Vinna nemenda við skolun ferna gengur vel á unglíngastiginu.